

寶樓閣陀羅尼經

上

百九十五
絲六

48717



元祿九年丙子二月日重修

皇圖永固 帝階級昌

佛日增輝 懋輪常轉

山城州天安寺法金剛院置



廣大寶樓閣善住秘密陀羅尼經卷上

唐三藏法師 菩提流志奉 詔譯

序品第一

如是我聞一時佛在王舍大城於初會時降
伏拘胝魔軍及調伏一切外道捨離生死度
諸瀑流是時那由他百千殑伽羅頻婆羅魔
軍遍滿世界于時世尊以佛神力變此大地
盡成金剛令瞻部洲有情之類不聞恐怖時
彼魔軍兩諸兵仗皆變為華於王舍城四衢
道中自然從地涌出蓮花其花千葉七寶莊
嚴黃金為臺琉璃為莖高至梵天出種種光
明普遍十方於其花中自然出聲說陀羅尼



名為善覺呪曰

南謨十方如來 一 唵摩尼 二 拔闍梨 三 哩哆

耶 四 跋闍梨 五 摩羅賽你 六 微陀囉波你 七

賀那賀那 八 跋闍邏揭鞞 九 多羅婆耶多羅

婆耶 十 薩縛 十一 波 十二 呼縛那你 十三

叫呼憾及下同薩埵囉薩埵囉 十三 佛馱梅以諦

度 十四 薩縛咀他伽多 十五 跋闍囉迦噓波

十六 地瑟耻抵 十七 薩婆訶 十八

時彼蓮花中既說呪已復出妙聲其聲遍滿

二千大千世界言善哉釋迦牟尼如來已度

生死大海殄滅魔軍離煩惱塵破無明殼然

大法炬由此陀羅尼威德力故令此大地變

成金剛降伏魔軍

尔時金剛密跡菩薩歡喜踊躍身毛竦豎頂
禮佛足白佛言世尊今此明呪從何佛所最
初而至我從昔來未曾聞見尔時佛告金剛
密迹菩薩有陀羅尼名廣大寶樓閣善住秘
密由彼威力能令此界三千大千國土變

金剛一切魔軍所有兵仗皆成蓮花由彼
羅尼威力故降諸魔衆四衢道中涌出蓮
花若不因彼陀羅尼威力者不成正覺不
能降伏拘胝魔衆不能枯竭煩惱大海然大
法炬我於無量拘胝百千劫來雖行難行苦
行猶故不能成菩提果尔時聞彼陀羅尼故

方成正覺此陀羅尼有大威力有大殊勝是
真實法於諸如來成就法身能稱彼呪名字
則為已稱十方諸佛如來名号若能讀誦受
持則為供養禮拜十方諸佛如來

尔時執金剛手菩薩摩訶薩以種種華種種
香塗香末香供養於佛既供養已右遶三匝

頂禮佛足而白佛言世尊此陀羅尼有大威
力有大殊勝唯願世尊普為世界一切有情
不應以下劣法有所饒益應以勝法而利益
之何以故此陀羅尼如佛真身故
尔時世尊告執金剛菩薩言衆生下劣不勤
精進多諸惑亂愚癡闇鈍耽著諸欲不信正

法不敬父不敬母不敬沙門不敬婆羅門不
敬尊者由此不能得是陀羅尼薄福少德智
慧狹劣如此衆生不能得聞不能受持不能生
敬此陀羅尼能滅一切罪是諸如來秘密之藏
尔時世尊告執金剛手大藥叉將曰善男子
我今欲往東方過無量恒河沙數拘胝那庾
他佛世界彼有世界名寶燈有一大城七寶
嚴飾其城四面廣一由旬多諸人衆安隱豐
樂彼諸男子及諸女人童子童女一切瓔珞
而以嚴飾上妙寶冠自然而現容貌端嚴有
大威力精進成就智慧通達城中有王名曰
妙寶有八十拘胝大臣輔佐圍遶王大夫夫人

名光明寶有二十萬宮人皆如天女前後供
侍彼世界中所生花菓及諸香樹皆是七寶
亦生諸花皆是雜寶陸生諸花皆是黃金國
人壽命八十萬拘胝歲成就十善於佛法僧
發大清信彼王善法化世利益衆生彼世界
中有佛名妙種種色寶善住清淨如來應正
等覺於彼世界廣作佛事與無量菩薩摩訶
薩衆及無量拘胝仙人前後圍遶彼之如來
身紫金色具三十二相八十隨形好圓光一
彙其明赫耀諸菩薩身皆紫金色相好端嚴
辯才無礙坐寶花臺常念廣大寶樓閣善住
秘密陀羅尼名由彼陀羅尼威神力故成就

如是殊勝功德彼佛世尊爲諸衆生演說此
陀羅尼法彼諸衆生由聞此陀羅尼故常獲
安樂離諸地獄餓鬼畜生阿素羅道諸惡趣
門悉皆關閉開淨天路彼諸衆生皆發阿耨
多羅三藐三菩提心住大慈悲無諸怨敵如
水乳和合彼佛世尊往昔久遠行菩薩道時
修此陀羅尼法作如是願願一切有情生我
國者悉皆決定得不退轉無上正覺若有衆
生聞此陀羅尼受持讀誦精勤修習憶念不
捨乃至聞名或復手觸或著身上或眼視見
或書帛素或書牆壁一切衆生若有見者五
逆四重誹謗正法謗誹聖人屠兒魁膾盲者

謂者瞎者瘻者瘖者癩者癱者貧窮下劣不
定業者魔網縛者墮邪見者毗那夜迦觸者
惡星害者七耀害者彼等諸人聞此陀羅尼
決定證得無上正覺或復受畜生身者鹿鳥
蚊蝻飛蛾螻蟻胎生化生濕生種種虫等彼
諸衆生聞此陀羅尼名者必當決定證得阿

耨多羅三藐三菩提無諸疑惑

爾時世尊說是語已一切大衆皆大歡喜身
毛竦豎是時天雨波頭摩花俱牟頭花芬陀
利花曼陀羅花摩訶曼陀羅花於虛空中有
諸種種微妙天樂自然鼓作時會大衆各各
皆見身有光明於如來前自然涌出七寶妙

端嚴麗好人所喜見幢有四柱四門及四
塔道光明赫奕幢四面上各有大寶其光如
日普耀世界復有無量寶珠綴於羅網無量
寶鐸而懸其上鮮雜繒綵以為幡幔多諸妙
花間錯嚴飾是時大地六種震動所謂動搖
吼震涌沒之相諸天宮殿皆蒙光明光所到
處皆悉覺悟四天王天明仙天等亦復如是
一切魔宮忽然光明皆大怖懼諸毗那夜迦
恐懼馳走越出界外求哀恃怙

爾時世尊於兩眉間現大白毫其光普遍一
切世界一切佛土彼諸如來覩此光者即便
說陀羅尼竟光既至已漸自收卷於釋

來頂上遶旋如沒十方一切諸如來等咸皆同聲讚歎釋迦牟尼如來言善哉釋迦牟尼如來汝今應往寶燈世界妙種種色寶善住清淨如來所瞻仰親近及廣宣說大寶樓閣善住秘密陀羅尼法何以故此陀羅尼有大威力有大殊勝一切過去諸如來等共讚念故若人得聞此陀羅尼名字及手觸者
彼人決定證無上正覺

爾時釋迦如來聞彼十方諸佛如來讚歎聲已復放無量拘胝百萬億光明告諸會中諸人等言我今欲往寶燈世界汝等速來今正是時如來從座而起詣七寶幢以手摩

之。是時幢中忽然而出金剛妙座香潔殊勝
於此座上復出七寶雜錯上妙蓮花黃金為
莖紅寶為臺時佛卅尊於蓮花上敷座而坐
尔時世界皆大震動如來便入大寶清淨三
摩地既入定已佛神力故將諸會衆及諸菩
薩天龍藥叉乾闥婆阿蘇羅羯樓荼緊那羅
摩睺羅人及非人無量拘胝明仙眷屬金剛
密跡釋梵諸天四天王等上昇虚空往詣東
方度無量恒河沙百千萬億拘胝佛刹佛神
力故須臾之頃至寶燈世界從空而下詣彼
佛所恭敬問訊少病少惱起居輕利時釋迦
衆以七寶所成千葉蓮花即奉彼佛時彼如

來在深妙會中舒金色手安慰釋迦如來移
於寶幢中坐告釋迦如來曰汝已轉大法輪
降伏魔軍然大法炬建立法幢擊大法鼓吹
大法盞於彼世界已作佛事證於所證今復
於此瞻部洲中再轉法輪演諸法藏作是語
已彼諸佛刹十八種動所謂一動搖二涌沸
三如波浪四震有聲五吼轟磕六覺一切有
情於一一動復各有三所謂動等動等遍動
也亦時天雨妙花現諸神變於虛空中出自
然音樂諸大龍王兩大妙寶種種妙香種種
妙衣種種瓔珞上妙紅寶車磔真珠毗盧遮
那摩訶妙寶日藏珠月藏珠日光珠月光珠

吉祥藏珠雨諸鉢頭摩花俱牟頭花芬陀利
花曼陀羅花摩訶曼陀羅花黃金花白銀花
真珠妙瑣繽紛而下尔時諸天於虛空中出
歡喜聲讚歎釋迦牟尼如來言善哉釋迦牟
尼如來善哉釋迦牟尼如來欲於此時再轉
法輪建大妙寶如意法幢於瞻部洲中所謂
摩訶妙寶廣大寶樓閣秘密善住陀羅尼大
脫法王令於世間廣大流布尔時種種色清
淨善住寶如來應正等覺於兩眉間放大白
毫出種種光明其光普至十方世界一切佛
土彼諸佛等覩斯光者咸皆證知將欲說此
陀羅尼竟其光復至三千大千世界及諸天

宮龍宮一切地獄傍生閻摩羅宮阿素羅衆
普皆蒙光知佛世尊將欲說法光既遍已漸
復收卷遶旋佛頂倏然如沒

爾時十方世界無量恒河沙等一切諸佛各
於彼土與諸眷屬現大神變於虛空中化作
七寶妙幢於其幢中以贍部金爲師子座時
諸佛等各坐其座同至會中爾時種種色清
淨寶如來見十方諸佛來至會中與彼諸佛
更相問訊復以種種神變供養彼佛既供養
已還坐本座

時此會中有一菩薩摩訶薩名曰寶藏從座
而起詣種種色清淨善住寶如來所合掌頂

禮白佛言世尊今此會中十方諸佛諸大菩薩天龍藥叉乾闥婆阿素羅緊那羅摩睺羅人非人天仙明仙執金剛菩薩而為上首眾會集已無量神變唯願世尊為諸大眾說廣大寶樓閣秘密善住陀羅尼法如是殷懃三請世尊為眾說法爾時種種色清淨善住寶如來告寶藏菩薩言汝今可詣釋迦牟尼佛所當為汝說時寶藏菩薩摩訶薩即詣釋迦牟尼佛所合掌頂禮右遶三匝白佛言世尊今請如來為諸大眾演說廣大寶秘密善住清淨陀羅尼法為諸眾生獲利益故爾時釋迦牟尼佛既見寶藏菩薩請已告金

剛密跡菩薩言善男子汝今可持金剛杵於
大衆中而扣其地金剛密跡菩薩便奉佛命
持金剛杵於大衆中而扣其地尔時大地應
聲裂破成四角陷三千大千世界六種震動
動時彼陷地忽然涌出七寶樓閣其樓四角
四柱四門嚴麗殊特相好圓滿光明赫奕有
四塔道高三由旬縱廣正等滿五由旬於其
幢中有瞻部金微妙寶塔無量寶珠而爲嚴
飾七寶羅網而覆其上無量寶鐸懸於四角
妙花繒綵而爲間錯彼妙塔中有三如來全
身舍利尔時十方諸佛如來皆共供養塔中
舍利諸菩薩等亦同供養尊重讚歎散花燒

香塗香糝香懸繒幡蓋奏諸音樂時諸天龍
藥叉乾闥婆阿素羅緊那羅迦樓羅人非人
等一切會衆咸悉瞻仰竒異希有言此寶塔
從何而來高聲讚言竒哉希有旋遶歌詠幢
及寶塔旣旋遶已合掌頂禮時彼幢中出微
妙聲唱言汝諸大衆可觀空中衆聞此聲咸
觀空中復見大琉璃寶雲在彼空際其實雲
中以金為字書此廣大寶樓閣秘密善住陀
羅尼呪於虛空中復出聲曰汝等咸可讀此
陀羅尼呪出此聲已其十方恒何妙同來諸
佛一一佛前皆現琉璃寶雲以金為字書此
陀羅尼呪復出如是聲曰南無釋迦牟尼如

來今可開彼舍利塔門彼寶塔中有三如來
全身舍利由彼舍利現大神變殊勝之相彼
全身如來於此會中當具說此陀羅尼呪并
曼荼羅成就明法

今時十方同來諸佛咸作是言唯願釋迦如
來應正等覺為諸大衆開彼塔門令諸衆生
見彼全身如來獲大利益所謂寶花王幢如
來妙寶金剛起王如來寶清淨光明如來應
正等覺今時釋迦牟尼如來即以神力詣寶
塔前舒金色千輻莊嚴右手開彼塔門示彼
如來全身舍利時寶塔中全身如來復讚釋
迦牟尼如來言善哉善哉釋迦牟尼如來今

於瞻部洲中再轉法輪汝可就此塔中昇師
子座尔時釋迦如來即昇塔中與諸全身如
來同座而坐

尔時衆中有金剛手菩薩摩訶薩頂禮釋迦
牟尼如來合掌恭敬白佛言世尊今此塔中
諸如來等從何而有從何而來佛言汝今諦
聽當爲汝說乃往古昔不可思議無量無數
阿僧祇劫此瞻部洲中多諸人衆安隱豐樂
五穀不種自然成熟人無彼我亦無積貯當
此之時無有佛名有一大山名寶山王彼寶
山中有三仙人一名寶髻二名金髻三名金
剛髻彼三仙人繫心專念佛法僧寶復作是

念我等何時證無上正覺度脫一切諸衆生
等時彼仙衆作是念已須臾默然復起前念
由是念故即證慈悲歡喜一切衆生種種樓
閣三庫地獲於天眼觀彼上方見淨居天復
於空中有聲言曰善哉正士善哉正士能發上
願求大正覺汝曾聞不有大妙法名廣大寶
樓閣祕密善住陀羅尼往昔如來已曾演說
善為利益一切衆生諸有聞者決定不退無
上正覺一切佛法當速現前一切三昧亦當
現前一切陀羅尼法門亦當現前能善降伏
一切魔軍然大法炬一切善種當得現前成
就六波羅蜜一切地獄餓鬼傍生閻摩羅界

阿素羅衆聞此呪者皆蒙解脫生老病死憂
悲苦惱永得超越當來之世於此瞻部洲衆
生有於父母不孝順者不敬沙門者不敬婆
羅門者不敬耆舊者誹謗正法者誹謗聖人
者應墮地獄者誹謗諸佛者誹謗菩薩者殺
阿羅漢者造五逆罪者殺婆羅門者殺牛犢
者抄劫竊盜者故妄語者不與取者邪淫者
兩舌者麁惡語者輕秤小斗者強奪財物者
負言背信者匿他財物者一切惡業所攝者
彼等衆生聞此陀羅尼若讀若誦若受持若
佩身上若書衣中若置幢上若書篋內若書
素疊及牆壁牌板乃至見者聞者及影中過

者或與執持呪人暫相觸者彼等衆生由斯陀羅尼大威力故決定當得無上正覺能於現世獲無量福一切惡業皆得消滅一切善根皆得圓滿一切魔軍皆得調伏一切衆生見者歡喜一切衆生恭敬尊重國王大臣及諸眷屬見者歡喜口所出言聞者皆信手脚柔軟音調和雅離於貧窮不受世苦毒藥刀仗火災等難永相去離師子虎狼諸惡禽獸不能爲害無劫賊難無旃荼羅難無魁膾難無羅刹難無惡鬼難無邪魅難無毒蛇難無疫病難乃至一日病二日病三日病四日病瘡病常病眼病耳病鼻病舌病口病齒病脣

病喉病頂病手病背病臂病齋病痔病痢病
體病脚病丁病瘡病班病肚病疥病疱病癩
病癰病頭痛病偏風病如此病等悉皆除滅
不盲不聾不瘖不癱臨命終時心不散亂不
失正念一切諸佛當來現前安慰其人睡眠
眠覺悟行住坐常得安樂或於夢中見百千

万世界刹土諸佛如來并諸菩薩前後圍遶
此陀羅尼有如是等無量無邊不可思議力
時彼仙人得法歡喜欣慶踊躍於其住處如
新醍醐消沒於地即於沒處而生三竹七寶
爲根金莖葉竿梢枝之上皆有真珠香潔殊
勝常有光明往來見者靡不欣悅生滿十月

便自裂破。一一竹內各生一童子。顏貌端正。色相成就。時三童子亦既生已。各於竹下結跏趺坐。入諸禪定。至第七日。於其夜中。皆成正覺。其身金色。三十二相八十種好。圓光嚴飾。時彼三竹一一變成高妙樓閣。爾時便有廣大寶秘密善住陀羅尼。呪於虛空中。以金書字。忽然而現。四大天王所謂寶髻龍主天王寶藏鳩盤荼主天王妙珠光摩祜羅主天王各執持寶蓋而覆其上。清淨天人散諸妙珠金剛藥叉主天王與無量百千眷屬執持妙華而以供養。同作是言。今佛世尊出現寶幢。爾時世尊告執金剛菩薩摩訶薩。昔三仙人

豈異人乎。今此寶幢塔中三全身。如來是彼
時三竹者。今妙樓閣寶幢。是彼時地者。今此
地是彼時世界者。今此世界是彼時仙人由
聞此陀羅尼。勤修習。故捨彼仙身。成等正覺。
昔時空中淨居天者。豈異人乎。則我身是昔
有賢者。名曰淨居。常勤供養彼三仙人。其淨
居者。今妙種種色清淨。如來是昔彼三仙。既
成正覺。爲彼淨居。而授記曰。汝於來世當得
作佛。号妙種種色清淨。如來。

今時十方同來諸佛。咸讚釋迦牟尼。如來言
善哉。善哉。能以如來境界。善加護。故說此往
昔。因緣。示現如是秘密陀羅尼。此陀羅尼是

諸如來秘密之母是諸如來秘密之心是諸
如來金剛之座是諸如來秘密神變是諸如
來成就秘密六波羅蜜是諸如來般若波羅
蜜是諸如來秘密壇場是諸如來秘密之印
是諸如來秘密放百千萬光是諸如來秘密
實相之藏是諸如來秘密三摩地加護神變
是諸菩薩秘密莊嚴菩提心是諸菩薩秘密
佛地是諸菩薩入秘密三摩地此陀羅尼能
除一切業障汝今能說

今時釋迦牟尼如來住正念智觀察一切如
來復放百千萬拘胝那庾他光明所謂青黃
赤白紅紫雜色普遍十方諸佛世界光遍彼

已還來佛所右遶三匝沒於佛頂光既沒已時
佛世尊以淨梵音於大眾中說此陀羅尼呪曰
唵一薩婆坦他伽上呼多二摩尼捨多三你
卑低四社縛羅社縛上呼羅五達摩默睹碣
里鞞六摩尼摩尼七摩訶怛他伽多纈里摩
尼九莎訶九

說此陀羅尼大明呪王已山河大地六種震
動十方如來同聲讚言善哉善哉釋迦如來
善說此陀羅尼大明神呪於虛空中現瞻部
金雲遍覆十方於其雲中下七寶雨雜以牛
頭栴檀上妙秣香充滿世界復雨優曇鉢花
而以供養次雨俱牟頭花芬陀利花蘇軛陀

華曼陀羅花摩訶曼陀羅花露遮花大露遮
華曼殊沙花大曼殊沙花蘇摩那花婆利師
迦花梅檀花瞻蔔花而供養佛一切魔宮熾
然火起一切魔衆皆悉驚怖一切毗那夜迦
身皆流汗臭穢奔走十方所有淨信天龍藥
叉乾闥婆阿素羅緊那羅摩睺羅人非人等
各持供具供養如來。

復有摩尼光思惟菩薩與無量百千万億俱
胝菩薩悉持種種妙寶而供養佛

復有金剛手菩薩與無量百千万億俱胝明
仙復以種種百千天衣而供養佛

復有四大天王與無量百千萬億四天王衆

以種種香花塗香料香花鬘衣服幡蓋而供
養佛 復有梵天與梵衆諸天而來供養
復有三十三天與百千萬億天子供養於佛
如是那羅延大自在天賢摩居天賢滿力天
等同來供養

復有日月天子在於空中而供養佛

復有勝天天女勝天女者功德大天辯才天女
餉弄居天女毗摩天王金剛時天女華齒天
女使者天女百千萬億各各以天嚴具供養
於佛 復有鬼子母神與百千萬億藥叉
女等前後圍遶而供養佛

復有無量乾闥婆衆以天音樂而供養佛

復有無量百千龍王集會所謂娑竭羅龍王
難陀龍王優鉢難陀龍王婆魯拏龍王善住
龍王寶髭龍王形貌圓龍王以種種妙寶而
供養佛

復有轉輪王與無量百千萬億大臣宮人姝
女前後圍遶於時大地變成金剛於如來前
從地涌出七寶蓮花其花千葉於其花中有
贍郇金千輪寶輪光明赫奕暉耀如日其光
遍覆三千大千世界於輪齋中出微妙聲作
如是言善哉善哉釋迦牟尼如來能說如是
祕密陀羅尼此陀羅尼明呪能轉無上最大
法輪能入菩提道場是諸如來祕密明心是

諸如來真實如理唯願世尊復更為說廣大
善住秘密樓閣陀羅尼心要之法今一切大
衆咸皆覺悟無上菩提此為根本今正是時
願垂速說此呪能除一切惡道業障能竭一
切血淚苦海能度一切生死曠野能越一切
煩惱瀑流若不遇此陀羅尼大明呪王終不
能成無上正覺此陀羅尼是諸佛種是大法
輪是大法炬是大法幢是大法蓋是大法鼓
是金剛座唯願世尊廣為衆說此大陀羅尼
王曼荼羅印法指法今此會中天龍藥叉乾
闥婆迦樓羅緊那羅摩睺羅伽人非人等咸
皆瞻仰願聞法要

今時世尊聞是語已即為大衆廣說陀羅尼
秘要之法

根本陀羅尼品第二

尔時世尊為諸大衆說此陀羅尼王能成就
無上菩提能除一切罪業身得清淨即說陀

羅尼曰

那慕薩婆怛他揭多去喃去一唵二肥布羅

摩鞞三摩尼去鉢臘二鞞四怛他上多去那

捺你舍泥五摩尼六蘇鉢臘鞞七肥摩

麗八娑孽羅鈿鼻去嚩九吽十什瞞羅什

瞞羅十一合勃陀縛路枳羝十二麁醯夜二合

地瑟耻二合多孽鞞十三莎訶十四

尔持世尊說此廣大寶善佳秘密樓閣陀羅
尼已於此大地六種震動雨大寶雨及天妙
花一切大衆咸皆歡喜歎未曾有證不退轉
是時十方諸如來等同聲讚歎釋迦牟尼如
來善哉釋迦牟尼如來乃能說是入菩薩道
場陀羅尼大衆聞已一切惡趣皆得消滅念
此陀羅尼名者則為以諸微妙香花塗香料
香供養十方一切諸佛若能讀誦即得不退
轉無上正覺乃至百劫千劫百千萬劫一切
如來不能讚歎盡其功德此陀羅尼有大威
力一切魔王終不能為其障礙一切怨家惡
友鬼神藥叉羅刹人非人等不能為害增長

無量福德若纔念此陀羅尼者獲福如是
尔時執金剛手藥叉軍將及四大天王於其
會中從座而起恭敬合掌頂礼佛足白言世
尊我等常當擁護持此陀羅尼者尔時世尊
舒金色手摩執金剛手菩薩及四大天王頂
作是言我今以此陀羅尼神呪付囑於汝若
有持此陀羅尼者汝當擁護

尔時執金剛手菩薩及四大天王白佛言世
尊我等奉如來教常護此大陀羅尼法王明
呪亦當擁護彼受持者

心隨心呪第三

尔時世尊為諸大眾說陀羅尼心呪曰

唵

摩你

跋社

黎吽

爾時世尊復說隨心呪曰

唵 摩你 達哩吽

鑿吒

根本呪者不假簡擇吉祥星宿日齋戒但誦
滿一萬遍已然後佛前或舍利塔前於白月
十五日潔淨洗浴著鮮淨衣隨力供養然四盞
燈散諸香花受持呪者食三白食便誦此呪
八百遍即於當處宿天欲曉時如來乃現其
身執金剛手菩薩亦現於前所有願者皆得
圓滿若造五逆罪者作如是法第三遍方得
感現勿生疑惑常於清旦誦八百遍所求上
願皆得成就毒不能害水不能漂火不能燒

賊不能傷病不能侵無他終怖常無重病
無眼病耳病鼻病舌病口病齒病脣病乃至
一日病二日病三日病四日病無頭痛諸惡
毒蛇虎狼禽獸不能為害無邪魅難此陀羅
尼威力如是能除一切怖畏能滅一切惡障
能生一切功德能成就六波羅蜜成就如來
所行之行讀此陀羅尼者皆能成就一切事
業若有人登大高山峯上誦此陀羅尼盡眼
所見處所有衆生滅一切罪業亦離一切地
獄業得免一切畜生身若入天廟中誦此陀
羅尼者使諸天神無不從命若入龍池誦此
咒者一切龍神皆來歸命若於日前誦此

者日天子即當來現其人前所求意願比
與之若有人於執金剛手菩薩前誦此呪者
執金剛手菩薩現於其前所求願者亦得隨
意若有人取菖蒲根誦此呪八千遍訖或佩
或執即令一切衆生見者歡喜所索皆得若
呪胡椒含於口中共他人語所出言音皆悉
信受若有人呪白芥子一千八遍擲於虛空
一切惡風雷雹皆得消散若呪食鹽一百八
遍令淨行婆羅門皆來率伏若欲調伏利利
取白芥子呪千八遍燒之并可呼諸鬼神來
共人語亦能治一切鬼氣若天灾旱以黃牛
糞塗地畫作龍一身三首其下作四方龍

於龍池心中著釜其壇青色黃丹畫龍身上
於壇四角各置一滿瓶水復置四香爐置四
新瓦盆一盆中著乳一盆著酪一盆置乳糜
一盆置酥及沙糖又別作四肘方壇以牛糞
塗飾復以麩糶畫壇壇內插箭四隻纏五色
線懸五綵幡燒四種香所謂安悉熏陸白檀
酥合於其壇內散七種穀列五色食并諸花
菓其誦呪人面向東方取一芥子呪之一遍
皆令擲打盡龍頭上一呪一擲滿下八遍龍
即行雨一切諸龍皆來率伏若欲止雨取白
芥子誦呪呪之擲龍池中雨即便止若惡風
雹雨取佉陀羅木作椽釘龍池邊即得雹止

若欲縛毗那夜迦取白芥子呪一百八遍安
 毗那夜迦頭上便不能作其障礙以乳洗毗
 那夜迦即得解脫所作諸業皆得成就其持
 呪者常須清潔著鮮淨衣此是根本呪法

廣大寶樓閣祕密善住陀羅尼卷上 絲

拘脰

下珍

瀑流

上蒲

兢

伽陵

其

哩

上力

哆

下丁

可囉

力加

賽

上蘇

載

又僧

微

去聲

邏

賀郎

揭鞞

上居

縛

上聲

吽

呼暗

甘

反下

薩

墀

下

唐賀

梅

音母

戾

零帝

但

二同

但

丁

柘

音底

殄

上徒

殼

亦作

竦

上息

竦

勇反

闇

下徒

狹

上咸

庾

主於

赫

上許

耀

客反

得

礙二同 怨 敵上音 寬下 思 贈上音 會反 眩八

痿主力 朱 呂 癱反 蚊 蜻 庚反 綴反 知 衛 鐸徒 飛 蛾

下音 螻 蟻上音 綺反 樓下 赫 弈亦下 音 綴反 知 衛 鐸徒 飛 蛾

續 綵上自 幡 幔半下 莫 恐 帽下 葉反 恃 怙二市 音 戶

也 得 羯 樓上居 反 訊 訖二音 信 同 蠹 蠹字 轟 碾下 音 扣反 苦 塔 萌反

妙 瑣下蘇 續 紛上 下 笏 文 反 倏 然上 音 扣反 苦 塔 萌反

音 陷咸字 縱 廣上足 漫 反 莫 官 耆 舊上 集 牛 犢

下音 抄 劫上 楚 匿反 力 佩 反 蒲 妹 簋 反 苦 怙 音 調

下音 邪 魅二下 眉 癩反 魚 却 疴 疴反 直 里 瘡 反 時 勇 疱 反 疋

去反 又 蒲 醜 醜二 字 音 胡 稍 反 所 交 靡 反 苗 彼 摩 粘下 音

戶 睹 碣 碣渠 列 纈 纈胡 結 秣 香上 末 音 瞻 葡 北 下 音

華 鬢 班 及 餉 奔 向 及 詩 曾 攀 加 反 輻 輻 損 憺 八 二

竹孟
又
下正
又
孽
魚列
臘
郎
峇
捺
奴
乙
反
又
又
鉗
巨
若

麗
力
帝
幡
蒲
餓
反
縛
路
下
上
無
可
反
反
積
鞞
只
上
居

下音
虞
謬
雨
醯
呼
方
鏹
普
末
吒
嫁
竹
家
反
竹
電
下

角
樹
子
消
乳
糜
下
密
四
肘
柳
下
知
赴
糝
二
反
竹
尺
電
下

排
二
同
初
佉
陀
迦
反
丘
攔
釘
上
其
月
反
下
聲

廣大寶
樓閣
陀羅尼經
上卷
絲
插

